

## Ny Valosoa sy hadihady

## Filoha Rajoelina

## Tompon-daka fa amin'ny tsy fahaizana mitantana

I araha-mahatadidy ny fanambaran'ny filohan'ny Republika Rajoelina tany Toliara, tamin'ny fotoan'ny fampielezan-kevitra, tamin'ny naha-kandidà azy ho filohan'ny Republika, ka nilazany fa efa in-dimy izy no tompondaka tamin'ny taranja "karate". Tsy mbola misy poro entina hanamarinana izany, nefà toa manaporofo izany ny fihetsiny, na talohan'ny fididianana, na amin'izao izy filohan'ny Repoblika izao. Mbola tsy vita tokoa ny fididianana dia efa nanambara izy fa "tsy maintsy lany", ary dia lany tokoa izy, ary tsy ho resahina na tamin'ny fomba ahoana na tamin'ny alalan'ny inona. Ny fanamby napetrany voalohany dia ny hanangana sy hanorina izay tsy vitan'ireo filoha nifandimby teto amin'ity Nosy ity nandritra ny enimpolotaona, izany hoe taorian'ny namerenan'ny mpanjana ny fahaleovantena. Angamba tsy fantatry ny filohan'ny Repoblika, fa tsy toy ny fanatanjahantenan' olon-tokana (sport individuel) ny fitondrana ny Firenena, fa asan'ny ekipa iray, sy fiaraha-miasan'ny andrim-panjakana mijoro sy ireo rafitra isan'ambaratongam-pitantanana. Tsapa avy amin'ny toetsaina sy hetsika ataon'ny filohan'ny Repoblika, fa mihevitenia ho mahavita mitantanana ity Firenena ity samirery izy. Vao tonga teo amin'ny fitondrana ity tompondaka ity dia efa nanisy sira valala teny an-danitra, ka nidehaka fa efa teo am-pelatànany sahadys ny amboara ka izy no hanampy an'i Comores sy ny firenena manodidina eto amin'ny Ranomasibe Indiana. Tsy mbola manana na inona na inona akory entina mampandroso ara-toekarena ny Firenena dia efa milaza, nilaza fa tompondaka eran-tany, ka nanimbazimba ny mpiaramiombon'antoka (PTF). Noho ny tandrametaka sy fiheveran-tena ho maozatra noho ny maozatra eto amin'ity planeta ity, ka nilaza ny mpitondra tenin'ny governemanta fa tsy mafy noho ny kolerà sy pesta ny valanaretina covid-19, izay namono olona an-tapitriza tany amin'ny firenena any Azia, Europa sy Afrika ary Amerika. Nirehaka ihany koa fa nanana ny fitaovana enti-miady manara-penitra, kanjo niaraha-nahita ny vokatr'izany. Namoaka ny lalana nampihàtra ny "ha-

mehana ara-pahasalamana", ka voatery niantso vonjy tamin'ny mpiara-miombon'antoka na dia teo aza ny vava tsy ambina. Tsy nahazo ny titra ho tompondaka tamin'ity ady ity kanefa dia nanalabaraka ny nampiasana ny vola azo, ka notakian'ny mpanampy ny fanamarinana ny fomba nandianiana izany. Nanampy trotraka ihany koa ny Fitsarana ny Kaonty (Cour des Comptes) kanefa dia mbola nampiseho ny maha tompondaka azy indray ny filohan'ny Repoblika kanefa heverina fa ho "disqualifié" izy araka izany. Izao toe-javatra misy izao tokoa no tonga amin'ny fitenenana hoe: "ny loza tsy tonga irery", satria tsy mbola resy ny valanaretina dia nandravarava indray ny rivodoza nifanesy. Nandeha irery aloha ny "tompondaka" tamin'ny fanampiana voalohany ireo traiboina satria tsy vitan'ny tranga lela ny fizarana vary masaka sy laoka, ka tsy maintsy naniraka ny ekipa hidina ifotony avy eo, satria tsy resiny samy irery ny nifanandrina taminy. Tonga ny "vatsy" isan-karazany nozaraina tamin'ny traboina kanefa dia mbola tsy takona nafenina indray fa tompondaka amin'ny fandinkodinana ny fanampiana avy any ivelany ny mpitondra amin'ny ankabobeny, satria dia misy am-pahany amin'izany hamidy amin'ny Malagasy satria, hono, tsy azo zaraina omena maimaimpoana ny vahoaka, fa mba asaina mandray anjara kely kanefa mandeha aiza ny vola azo avy amin'ny vidin'ireny fanampiana ireny? Raha fehezina ireo tranga rehetra ireo dia tena tompondaka amin'ny fanitsakitsahana lalana sy fitsipika ary tompondaka ihany koa eo amin'ny fampisangodirana ny fomba fiasa, ka tsy voafaritra intsony iza no manao inona ary iza no tomponandraikitra amin'ny fiatrehana ny tranga tsirairay. Ny mampanahy eto amin'ity Firenena ity anefa dia ireo rafitra mpitsara ny raharaha toy ireo voatanisa etsy ambony ireo dia toa tsy sahy mitsara araka ny lalana sy ny fahamarinana ny zava-doza mambotry ity Firenena ity.

Andry Tsiavalona

## ZAZAH RAMANDIMBIARISON

## Tandremo, tandremo, miha-mikoroso fahana ny firenena



Ny mpahay toekarena, Praiministra lefitra teo aloha, Zazah Ramandimbiarison.

Nanohy hevitra mahakasika ny toe-draharahampirenenena amin'izao fotoana Andriamatoa Zazah Ramandimbiarison, mpa-hay toekarena, efa Praiministra lefitra teo aloha: "Ny fomba fitantanana tsy tonga lafatra, ny fanodindikinam-bolam-panjakana, ny fijangajangana ataon'ny manampahefana ambony sasany, ny fanondranana antsokosoko ny harena voajanhary eto amintsika, ary ny vaovao diso amin'ny ankabobeny, no lohatenin'ny tambazotram-pifandrasana rehetra. Tandremo, tandremo fa miha-mikoroso fahana ny firenena. Ny fitantanana ny fahefana sy ny fampiharana ny demokrasia ataon'ny mpitondra amin'izao fotoana izao dia efa miha-ratsy ary mety hampidi-doza mihitsy. Efa mavaivay ny kolikoly avo lenta. Ny zavaniseho tato ho ato mampiseho an'izany. Ny tsaho tsy marina no mitazona ny fiainan'ny Malagasy andavanandro. Vao mainka manamafy ny fialan'ny olom-pirenena amin'ny andraikirity maha olom-pirenena azy, izay toetra saika tsy misy intsony amin'izao fotoana izao.

Fanilikilhana sy ny tsy fitoviana eo amin'ny mpanankarena vitsy an'isa sy ny vahoaka maro an'isa. Ny tsy fision'ny fitsipika mangarahara sy ny fandindrana tsara ny hetsika ho an'ny tombontsoa iombonana dia vao mainka manasaratra sy manimba ny toe-draharahampirenenena. Mbola mitohy ihany koa ireo fomba ratsy eo amin'ny fampandehanan-draharahampirenenena. Izay fomba fitantanana nitrika ny krizy nolalovan'i Madagasikara tato anatin'ny folo taona farany. Ny demokrasia ve dia ny fanaovana fididianana sy ny fametrahana andrim-panjakana ara-dalana fo-

tsiny? Ny demokrasia ve dia tokony havadika ho jadona ataon'ny olom-bitsy nahazo fahefana tamin'ny alalan'ny fididianana izay noheverina ho "malalaka sy mangarahara" fotsiny? Tsy tokony ho laharam-pamehama koa ve ny fananganana fomba amam-panao sy fihetsika men-drika izay hiadan'an'ny ambany lanitra, izany hoe ny fomba fiaianana andavanandro rehetra izay manamora ny fiaianam-piarahamonia manontolo ao anatin'ny fitoniana? Izany no fototry ny demokrasia madio. Ao anatin'ny fotoan-tsarotra toy izao lalovan'ny firenena izao, no tokony hibanjinana ny ho avin'ny Malagasy rehetra. Ny kolontsaina malagasy dia manome ny vahaolana: mihaino, miresaka ary mifanaja. Ny mpanao gazety dia tokony homena fahafahana hitrandraka ny vaovao eo anivon'ny andrimpanjakana rehetra, sy ny vaovao mahaso, mba hisorohana ny fandikana diso sy ny tsaho tsy mitombina. Sa krizy lehibe hafa no tiana hiseho indray?"

Nangonin'Isambilo

Vehivavy TIM sy ny Filoha Ravalomanana  
Firaisankina hatrany no hampahomby ny antoko

Noho ny fahatongavan'ny taona vaovao, na efa hifara aza ny volana febroary dia tonga niarhaba ny filoha Marc Ravalomanana teny amin'ny trano fone-nany teny Faravohitra ny solontenan'ny Vehivavy Tiako i Madagasikara (TIM) Analamanga, omaly 23 febroary. Tao anatin'izany no nanamafisan'ireo Vehivavy TIM tamin'ny alalan'ny filoha mitarika vonjimaika Ravelisoa Arphine, fa hiasa sy hampiroborobo ny Vehivavy TIM izy ireo, satria ny vehivavy no maro an'isa eto amin'ny firenena. Ny vehivavy ihany koa no tena mahatsapa ny fahasahiranana misy eo amin'ny tokan-trano Malagasy ankehitriny. Nanambara ireo vehivavy TIM fa tokana ny tanjony dia ny famerenana ny filoha Marc Ravalomanana hitantana ny firenena indray. Tsy moramora anefa izany fa mitaky asa, ka tsy andrarakilo mby andoha ireo renim-pianakaviana, fa vonona hatrany araka ny baikon'ny antoko hoe: ilaina ny fijoroana. Hiezaka hitondra rivo-baovao ao anatin'ity antoko najoron'i Dada ity ihany koa izy ireo. Nisaotra ireo vehivavy TIM ny filoha nasionalin'ny antoko Marc Ravalomanana, raha nandray anjara fitenenana. Miraisa hina hoy izy, fa izay no antoka hampahomby ny antoko. Hiezaka isika satria efa mijaly ny vahoaka Malagasy, hanala azy ireo ao anaty fahantrana lalina ankehitriny.

Niaina



Ny solontenan'ny Vehivavy TIM Analamanga, nifampiarhaba trtry ny taona tamin'ny Filoha Ravalomanana, teny Faravohitra.

## TONONKALO

## SOLOMBAVA TSY MODELY

Solombava mpihetraketraka, izany indray izao no malaza.

Tena tsy mahay mipetraka fa dia mifanahin-jaza, Ka mampiasa ny eo an-tanany ary koa ny loham-botony,

Mba hiarovany ny zanany amin-java-tsisy fotony!

Ary dia mihoerahoera, toy ny tsy ampy fahendrena. (Faly ny mideradera, tsy mahay manaja tena!)

Mety mba nandia fianarana saingy tsy ampy fanabeazana,

Ka tsy mitondra fivoarana fa mampisento ireo mpitzana !

Solombava fozaorana, efa zatra dia mianoatra.

Tsy mahita izay hizorana amim-pomba tena tsotra, Sady tsy manadihady no tsy tia ny lala-marina,

Ka dia fantatra sahadys fa any an-kady no hivarina !

...Misy fetra ny fotoana maha solombava anao, Ry tia miteniteny foana sy tsy misy kalitao.

Atsimondrano raha izao dia efa leo sy tena boboka, Ka dia miomàna ianao fa tsy ho ela dia hijoboka !